



Mmantsae Moche Diale le maatla a letsatsi

Thembekile Malibe

Omphemetse Patient Ramathatse



Buka e, e ka ga Mmantsae Moche Diale,
Mmasasense wa Aforikaborwa.

Mmantsae ke Mmasaense yo o ithutang
ka maatla a letsatsi, le ditsela tse batho
ba ka dirisang maatla ao.



“Baithuti, ke batla go lo bolelela ka ga Mmasaense wa MoAforikaborwa yo o botlhokwa,” ga bua morutabana Mpilo.

“O simolotse botshelo kwa motsaneng wa kwa Limpopo mme a nna Mmasaense yo o kwa godimo.”

Morutabana a tlatsa, Bonetetsi ke karolo ya Bonetetsi ba Saense, e leng kitso le maatla.”



Morutabana a tswelela, "Mogaka wa rona wa Saense gompieno ke Mmantsae Moche Diale."

"O tsaletswe kwa motsaneng wa Ga-Masemola kwa Limpopo. O tsene sekolo kwa Sekobetlane Maphutha."

"Motsana wa gaabo o ne o se na motlakase, le fa e le gore go ne go na le dipale tse dikgolo tsa motlakase."



"O ne a kgathwa ke tsa maatla le gore re a bona jang fa a gola. O ne a itse gore mongwe le mongwe o ne a tlhoka maatla."

Morutabana a emisa ka kgang ya gagwe, mme a botsa, "A lo ka mpolelela metswedi mengwe e e dirang maatla a motlakase?"



“Malatlha ke sediriswa sa bothokwa. Re fisa malatlha go dira motlakase,” ga bua Nhlavu.

‘Ee, fela lefatshe la rona le felelwa ke malatlha le didiriswa tse dingwe tsa maatla tse di sa ntšhwafaleng,” morutabana a araba.

“Letsatsi le phefo ke didiriswa tse di ntšhwafalang,” Sphe a tlatsa, morutabana a dumela.



Morutabana a tswelela, "Mmantsae o ne a itse gore o ne a batla gore botlhe ba nne le maatla a a tlhotlhwatlase a le phepa, ka didiriswa tse di ntšhwafalang."

"O ithutetse Dipalo le Disaense tsa Tlhago kwa sekolong, a rata Bonetetsi. A itse gore o batla go ithutela Bonetetsi kwa yunibesithing," ga bua morutabana.



"Batho ba botsa Mmantsae, 'O tlile go dira eng ka Bonetetsi? A o ka bona tiro?' Ba mo nyemisa mooko.

"O ne a ithutela dithuto tsa Saense le tsa Thuto, go nna morutabana wa Saense. Gape o ne a kgatlhwa ke go ithutela maatla a a ntšhwafalang," ga bua morutabana.



“Morutabana, Mmantsae o ne a kgathilwe ke bomang ka nako eo?” ga botsa Sphe.

“Go ne go le basadi ba le mmalwa fela ba badiri ba Bonetetsi, ba bantsho ba ne ba balwa,” morutabana a araba. “Mmantsae o ne a dira fela le borasaense ba banna. O ne a sena ba a ba itseng ba Aforikaborwa ka nako eo.”



“Morago ga dingwaga di le dintsi tsa go ithuta, Mmantsae a nna Moporofesara wa Saense. Jaanong o a ruta le go batlisisa kwa Yunibesithing,” ga bua morutabana Mpilo.

“Ke mongwe wa bašwa ba basadi ba bantsho ba ikgantshang ka ena ba ba ratang Saense, segolo jang Bonetetsi.”



“Morutabana a tthalosa, “Dipatlisiso tsa gagwe ke ka ga go tshwara maatla a letsatsi a mantsi, le go a boloka.”

“Maatla a a bolokilweng a ka dirisiwa go tlamela metsemagae ka motlakase.”

“Maatla a letsatsi ke maatla a a tlhotlhwatlase a a ntšhwafadiwang.”



"Go buiwa ka eng fa go twe didiriswa tsa maatla tse di 'ntšhwafadiwang le go sa ntšhwafadiwe'?" ga botsa Morutabana.

"Maatla a a ntšhwafadiwang ke maatla a a sa feleng, jaaka letsatsi," ga bua Ntando.

"Maatla a a sa ntšhwafadiweng a a fela, jaaka malatlha, ga a ntšhwafadiwe," ga bua Vusiwe.



Thuto e a fela.

Morutabana a feleletsa, “Mmantsae o eteletse pele setlhopha sa babatlisisi ba dithuto tsa ‘maatla a a sa leswefatseng tikologo – maatla a a ntšhwafadiwang.”

“Maikemisetso a dipatlisiso ke go bona ‘disele tsa sola tse di ka tsayang maatla a mantsi kwa letsatsing, le go a fa batho.”



Fa baithuti ba phutha, Morutabana Mpilo a re,
“Moporofesara Diale o eletsa go bona basadi ba
le bantsi ba ithutela Bonetetsi. Ke solofela bontsi
jwa basetsana fa ba tla ithutela Saense le
Dipalo!”

“Le basimane tota!” Morutabana a nyeba.

—Dipotso

1. Goreng Mmantsae a ne a na le kgatlhegelo ya maatla fa a le monnye?
2. 'Maatla a letsatsi' ke eng? A ka dirisetswa eng?
3. Moporofesara Diale ke mofuta ofe wa Bosaense? Dipatlisiso tsa gagwe ke ka ga eng?
4. O itemogetse mathata afe fa a sala ditoro tsa gagwe morago?
5. Tlhalosa gore malatla a fitlhelelwa jang.
6. O nagana gore ke goreng go le botlhokwa mo go rona go dirisa maatla a a ntšhwafadiwang?
7. 3. Batla tshedimosetso ka ga basadi ba le batlhano ba bantsho ba ba dirang ka maatla a a tswang mo go ntšhwafadiwang.
8. Ke dinaga dife tse di 10 tse di welang mo maemong a a tswelletseng go dirisa maatla a a ntšhwafadiwang?

—Dibuka tse di mo motseletseleng o

- Andile Mji
- Asnath Mahapa
- Bongani Mayosi
- Charlotte Maxeke
- Mmantsane Moche Diale
- Mulalo Doyoyo
- Tebello Nyokong
- Tshilidzi Marwala

Kanelo e, e tlamilwe le go kwalwa ka
puo ya siSwati jaaka karolo ya porojeke
ya didiriswa tsa go buisa ya Zenex Ulwazi
Lethu ya 2020.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Mmantsae Moche Diale le maatla a letsatsi

Author/s: Thembekile Malibe

Translator/s: Lorato Trok

Illustrator/s: Omphemetse Patient Ramatlhatse

Assurer/s: Dineo Moatshe, Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY  – Credit must be given to the creator

